



佛說諫王經

宋安陽侯沮渠京聲譯

聞如是一時佛在舍衛國祇樹給孤獨園是時王棄離先尼出行國界道過佛所身蒙塵土解劍退蓋為佛作禮天尊曰就坐王即就坐佛問王王所從來身蒙塵土王即退坐稽首對諾屬行國界有災異者佛告王曰王治當以正法無失節度常以慈心養育人民所以得霸治為國王者皆由宿命行善所致統理民事不可偏枉諸公卿郡寮下逮凡民皆有怨辭王治行不平和內皆忿身死魂神常入太山地獄後雖悔之無所復及王治國平正常以節度臣民歎德四海歸心天龍鬼神皆聞王善死得上天後亦無悔王无好媼妣以自荒壞無以忿意有所殘賊當受忠且剛直之諫夫與人言常以寬詳无灼熱之當以四意侍於國民何謂為四隨時廩與和意與語所有珍寶與民共之占視老病及諸鰥寡王如是者國中和平即得其福

壽終上天所願自然王不可以常得

自在人皆敬畏以之為樂名象好馬寶車賢臣群寮百官導從前後內藏珍寶倉庫百物皆當腐壞無長存者年少會老強健必病含血之類皆當歸死珍寶妻子家室內外不可常得如人夢見殿舍好園樹木生果池水流泉遊戲其中快樂无極寤則霍然莫知所在觀世所有皆如人夢王寧見樹有華果華果不能常著樹青青之葉會有萎落天冠中憤黼黻名服不能常好流水不能常滿放火曠野火威赫焰不久則滅暴風疾雨雷電霹靂斯吏之間霍然不見日欲出時星無精光日之威明照於天下久則冥冥世間无常亦復如是喻如四面有大石山上下皆有六山俱到同時共合其中人物含血之類無有豪賤皆當糜碎人有四事不可得止老至體枯病來心惱身死神去所有珍寶皆當棄捐不可得保此四一至不可得離无避逃處非口所能守請陳謝不可財許求哀得解是時所有名鳥

諫王經 第三張 寶寶

良馬珍寶壯士群臣百官護導前後孰能為王排却之者王寧見師子歎中寂猛遙見群鹿意欲所取便前搏撮裂食其肉如斯之病安可言于命如師子取群鹿時人命欲終身體不寧血脉為消面色為變命曰欲促五藏不治不思飲食雖有神呪良醫善藥不能使愈口為妄語其所索者家室盜之身體皆痛如被掠治手足唯攘骨節欲解口乾息極羸瘦困劣不能起居坐卧須人若得良藥糜粥甘食人當舍之必復苦極筋脉欲絕但有出氣無復報入脣燥乾焦正氣竭盡邪氣在處舌稍却縮面目无色耳鼻閉塞不聞聲香手足拘攣筋急口噤欲言不能手或把空莫索邊傍白汗目淚流出相續心意著痛識轉消滅無所復知愠去身冷魂神去矣所有珍寶父母兄弟妻子內外知識奴婢皆當棄捐隨行獨去不知所到世間雖樂不得久留王當是時當何恃怙唯有孝順慈養二親供事高行清潔沙門見凡老人當尊敬之所有財

諫王經 第四張 傷身

寶與民同歡當以慈心施惠於民無以讒言殘害民命為王之法當宜聖道教民為善唯守一心心存三尊王者如斯諸聖咨嗟天龍鬼神擁護其國生有榮譽死得上天身死神去當何所恃惟恃善耳火盛焯焯恃水滅之飢渴之人惟恃水穀老恃杖扶盲恃有目冥恃燈火疾病困篤恃良醫藥船行巨海風浪威猛恃彼榜槽道有盜賊恃蔽匿處身死神去惟恃修善猶逢彼難各恃其事以自拔濟宗室獲安王無以為樂飲食極味遊居同在不可常得飽滿皆當消散不可常得好香塗身芬芬括鼻珠璣瓔珞弈弈矐目水陸好華以為校飾金縷織成以為名服白毳衣文繡衣雜綵衣無極衣細疊衣細緻衣錦綾衣此皆无常不可久保宮觀高臺華闕殿舍黃金白銀七寶床榻氍毹氍毹綉綺細軟以藉身體七寶織成文繡綾綺以為幃帳柱梁殿戶彫文刻鏤燒眾雜香遊戲其中斯皆无常不可久保琴瑟箏笛眾音集聚歌舞倡伎眾音盈

諫王經 第五張 佛說

耳快樂可言斯亦無常如幻如夢不得久保為馬寶車光目之觀王一出時椎鍾鳴鼓驛導前後王乘羽蓋之車侍者持幢翠毛鶴羽彫文其柄以拂塵土治填道路丹畫欄楯眾民所觀無不敬畏好華名香皆以迎王稱壽万歲斯亦難保王寧見人欲死時奈何嗶啞咽淚下交流嗚呼痛哉神靈殞捨吾如之乎聞之者莫不傷心觀之者莫不助哀載之出城捐於曠野飛鳥走狩擲掣食之身中有虫還食其肉日久風颺骨皆為乾往昔諸王尊榮豪華貴隱隱聞亦如大王今日霍然不復見之此皆无常之明驗也古尚如此况於今日王熟思之無念姪姓无受佞言證入人罪當受忠諫治以節度當畏地獄酷治之痛諸舍血之虫皆貪生活不當煞之佛說竟王意即解願為弟子即受五戒頭面著地為佛作礼

佛說諫王經

佛說諫王經

校勘記

- 一 底本，金藏廣勝寺本。
- 一 二五七頁中二行「宋安陽侯」，**資**、**磧**作「宋居士」；**南**、**徑**、**清**作「劉宋居士」。
- 一 二五七頁中三行「聞如是」，**麗**作「如是我聞」。
- 一 二五七頁中四行「是時」，**資**、**磧**、**南**、**徑**、**清**無；**麗**作「是時國」。
- 一 二五七頁中六行首字「天」，**徑**、**清**作「世」。
- 一 二五七頁中六行第八字「就」，**資**、**磧**、**南**、**徑**、**清**、**麗**無。
- 一 二五七頁中九行首字「正」，**資**、**磧**、**南**、**徑**、**清**作「政」。
- 一 二五七頁中一二行首字「郡」，**資**、**磧**、**南**、**徑**、**清**、**麗**作「羣」。
- 一 二五七頁中一二行「王治」，**資**、**磧**、**南**、**徑**、**清**無。
- 一 二五七頁中一二行末字「平」，**資**、

- 磧**、**南**、**徑**、**清**作「平等」。
- 一 二五七頁中一三行第九字「常」，**資**、**磧**、**南**、**徑**、**清**作「當」。
- 一 二五七頁中一九行第一三字「侍」，**資**、**磧**、**南**、**徑**、**清**、**麗**作「待」。
- 一 二五七頁下七行第一一字「生」，**麗**作「花」。
- 一 二五七頁下一三行「赫焰」，**資**、**磧**、**南**、**徑**、**清**作「炎赫」；**麗**作「焰赫」。
- 一 二五七頁下一五行第一三字至一六行第二字「久則冥冥」，**資**、**磧**、**南**、**徑**、**清**作「不久復冥」；**麗**作「不久則冥」。
- 一 二五八頁上四行第九字「病」，**資**、**磧**、**南**、**徑**、**清**、**麗**作「痛」。
- 一 二五八頁上四行第一三字「于」，**資**、**磧**、**南**、**徑**、**清**、**麗**作「乎」。
- 一 二五八頁上九行第二字「盜」，**資**、**磧**、**南**、**徑**、**清**、**麗**作「恣」。
- 一 二五八頁上九行末字「恒」，**資**、**磧**、**南**、**清**作「狂」；**麗**作「枉」。

- 一 二五八頁上一六行「莫索」，**資**、**磧**、**南**、**徑**、**清**作「摸捺」。
- 一 二五八頁上一六行末字「白」，**南**、**徑**、**清**作「身」。
- 一 二五八頁上一八行第六字「煜」，**資**、**磧**、**南**、**徑**、**清**作「温」。
- 一 二五八頁中六行「焯焯」，**資**、**磧**、**南**、**徑**、**清**作「焯焯」。
- 一 二五八頁中七行「杖扶」，**資**、**磧**、**南**、**徑**、**清**、**麗**作「机杖」。
- 一 二五八頁中一三行「不可」，**資**、**磧**、**南**、**徑**、**清**無。
- 一 二五八頁中一四行第七字「括」，**資**、**磧**、**南**、**徑**、**清**作「聒」。
- 一 二五八頁中一五行第一二字「縷」，**資**、**磧**、**南**、**清**作「縷」。
- 一 二五八頁中二一行第六字「殿」，**資**、**磧**、**南**、**徑**、**清**作「壁」。
- 一 二五八頁下四行第五字「幢」，**資**、**磧**、**南**、**徑**、**清**、**麗**作「幢」。
- 一 二五八頁下四行第八字「鵝」，**資**、**磧**、**南**、**徑**、**清**作「葆」。

一 二五八頁下七行末「時不」，**資**、**磧**、**南**、**徑**、**清**作「之時」。

一 二五八頁下八行第一字「吁」，**資**、**磧**、**南**、**徑**、**清**、**麗**作「呼」。

一 二五八頁下一〇行「殂捨」，**資**、**磧**、**南**、**徑**、**清**作「獨逝」；**麗**作「獨逝捨」。

一 二五八頁下一二行「狩摑」，**資**、**磧**、**南**、**清**作「獸摑」。

一 二五八頁下一七行「證入人」，**資**、**磧**、**南**、**徑**、**清**作「誤入人」，**麗**作「證人入」。

一 二五八頁下一九行第五字「虫」，**資**、**磧**、**南**、**徑**、**清**作「類」。

一 二五八頁下二〇行首字「說」，**資**、**磧**、**南**、**徑**、**清**、**麗**作「說經」。